

JOSEPHUS JOACHIMUS  
GOLDTMANN

DEI ET APOSTOLICAE SEDIS GRATIA

EPISCOPUS DIOECESIS SANDOMIRIENSIS

ORDINIS S. STANISLAE I. CLASSIS EQVES.

*Adm. Audo Josepho Sabrowski: Ecclesiae parochialis  
in Uola Curate Nobis in Christo Dilecto Salutem in Domino.*

Interest muneris quo suprema Autoritate Nobis imposito fungimur, ut saluti animarum pretioso Sanguine Salvatoris Nostri Domini JESU Christi redemptarum, quantum possumus, in Domino consulamus. Cum itaque his etiam, qui gratia Baptismi per peccatum amissa, se in daemonis potestatem ac peccati servitutem tradidissent, Idem Christus Dominus Noster Religionis Catholicae Institutor et Auctor, in Ecclesia sua remedium contulit, Sacramentum videlicet Poenitentiae; quod quo salubriorem homini post Baptismum lapsio miseracionis Divinae exhibet medicinam, eo fideliorum Ministrorum suorum accuratiorumque exigit diligentiam: quippe qui per Sacramentale Tribunal peccatores Deo reconciliando, non hominum sed Dei peragunt Judicium; hinc sapientissimo consilio in Ecclesia Christi decretum est: quod quamvis Presbyteri in sua ordinatione a peccatis absolventi potestatem accipiant, nullum tamen etiam Regularem posse Confessiones saecularium etiam Sacerdotum audire, nec ad id idoneum reputari, nisi ab Episcopo per examen idoneus judicetur: et approbationem obtineat. Nec minori providentia iis omnibus, qui dixerint: Episcopos non habere jus reservandi sibi Casus nisi quo ad externam politiam, atque ideo Casuum reservationem non prohibere, quominus Sacerdos a reservatis vere absolvat, anathema dictum est, Concil. Trid. Sess. 14. Canon. 11. Quamobrem *Ipsi* per examen idoneo reperto, omnium utriusque sexus Dioecesis Sandomiriensis Fidelium, non tamen Monialium, et citra praejudicium alterius Parochiae, confessiones Sacramentales excipiendi, eosque a peccatis et delictis eorum, quae Ei corde contriti, ore confessi fuerint, etiam a Casibus per Consti: Provinc: seu alias quomodolibet Sedi Ordinariae reservatis (Omnibus tamen Casibus Summo Pontifici et S: Sedi Apostolicae, ac Nobis Ipsi specialiter reservatis, in altera paginae praesentis parte descriptis, exceptis) injuncta prius Poenitentibus pro delictorum ratione salutari poenitentia, in foro conscientiae in forma Ecclesiae consveta absolvendi et absolutionis beneficium, si eos dignos in Domino judicaverit, impendendi Autoritate Nostra Ordinaria plenam damus et impertimur potestatem ad decursum *Unius Anni* valituram. Ut autem ministerium isthoc rite perficiat, Habitu Clericali indutus, superpelliceo ac stola ornatus, in Ecclesia nec in obscuris locis, sedem Confessionalem occupando: seque graviter et devote gerendo non modo intentionem purissimam invocato Dei auxilio, ante Confessionum auditionem faciet, sed quoque Poenitentes de summis Religionis Catholicae Capitibus, de Consuetudine in peccando, et circumstantiis speciem mutantibus interrogabit, paratosque Actus per modum quaestionum habebit, quibus fidem, spem et charitatem, dolorem ex motivo supernaturali ac firmissimum non peccandi amplius propositum, in Poenitente, excitare conabitur; attendens non quam multorum, sed quam bene Confessiones excipiat; etiam Libros Theologiae diligenter ac saepe releget, Absolutionemque consvetudinariis aut proxima occasione irretitis, nisi debitis adhibitis cautelis, impertietur. Monemus praeterea; ne dum alios a peccatorum nexibus liberare intendit; Ipse se implicet, illud Salvatoris Nostri frequentius meditando: quid prodest homini, si universum mundum lucretur, animae vero suae detrimentum patiatur? Denique, pro recta hujus Sacramenti administratione, omnia alia quamvis hic expresse non praeconstodita, quae in Decretis Apostolicis, Constitutionibus Synodalibus sancita sunt, accurate observet; ac ut elapso suprascripto temporis spatio ab excipiendis Confessionibus, nisi gravi mortis periculo instante, abstineat; sed aliam similem exhibito Examinis et Recollectionum sacrarum juxta praescriptum peractarum testimonio, in tempore procuret Facultatem super quibus omnibus conscientiam Ipsius oneramus. In quorum fidem etc.

Datum Sandomie die 20 Mensis Julii Anno Domini 1844



*M. Mozerenski Officialis*

*Taka officiosa 30. Capca  
et solvenda.*

*Casus Summo Pontifici ac S. Sedi Apostolicae Reservati.*

Omnes in Bulla Coenae Domini quam extra, uti: Simoniaci, absolventes suos Complices extra mortis periculum in quolibet contra sextum Decalogi Praeceptum peccato, sollicitantes ad turpia in Sacris Confessionibus, et alii adhuc Casus Papales reservati, quorum exactam ac perfectam notiam, ex Theologis acquirere oportet.

*Casus Ipsi Loci Ordinario specialiter Reservati.*

1. Lectio librorum prohibitorum. 2. Comiscentes se carnaliter Judaeis maribus vel foeminis, et famulatus apud eosdem Judaeos ex contractu annuo vel quasi annuo, aut etiam ex pacto constanti inserviendi Judaeis statis temporibus, alias juxta Declarationem in Epist: Encycl: Anno 1808 die 25 Novembr. 3. Clerici, qui Divina Ordini Ipsorum nondum competentia celebrare praesumpserint. Item juxta eand: Declarat: inter Casus specialiter reservatos adnumerantur. 4 Omnes blasphemi, Dei, B. V. Mariae, et Sanctorum. 5. Homicidae facto opere: consilio, vel auxilio. 6. Procurantes abortum foetus animati effectu secuto. 7. Incendiarii dolosi occulti, et omnes ad incendium efficaciter coeoperantes physice vel moraliter.

*A. N. Leopoldo Jakobus Sti*  
Datur facultas

Poenitentes suos ab omnibus Casibus Papae reservatis etiam in Bulla Caenae Domini contentis tum Haeresi, Apostasia et Schismate, his (tribus in utroque foro) tum etiam a Casibus Nobis et Sedi Ordinariae prout hic superius expressi sunt, aut quomodolibet alias reservatis absolvendi. Conceditur quoque facultas Jus petendi debitum amissum restituendi, — nec non Cruces, Imágenes, Rosaria, Scapularia, ac alia utensilia Ecclesiastica, in quibus non intervenit S. Unctio benedicendi — idque Autoritate tam Delegata Apostolica, quam Nostra Ordinaria respective ad decursum Approbationis Ordinariae.

*M. Moszkowski officialis*

